

بیست و یکویں صدی ٹی براہوئی زبان نا آجبت، ویل وگڑتیک

جلیل احمد مینگل

ایم فل سکالر، شعبہ براہوئی جامعہ بلوچستان کوئٹہ

ڈاکٹر منظور بلوچ

لیکچرار، شعبہ براہوئی جامعہ بلوچستان کوئٹہ

Abstract

According to UNESCO 2008 report, 2500 languages are endangered in the world, 27 of them exist in Pakistan. Brahui language is also one of them. In this research paper it would be try to shed some spotlight on the real status of Brahui language, whether the Brahui language is endangered or it is still safe. According to UNESCO report the cause of endangerment of Brahui language is because of the less speakers but at the same time it is interesting to note here that Brahui speakers are present from Balochistan to Afghanistan, Iran and Turkmenistan. The real cause of endangerment of the Brahui language will be tried to evaluate in this article.

Key words: Brahui Language, endagere, UNESCO report

بیست و یکویں صدی انفارمیشن ٹیکنالوجی، علم و ادب نا صدی اے۔ د ا صدی ٹی چندی مسئلہ
غاک ام مون آ بریرہ۔ د ا مسئلہ غاتیان منٹ نا تعلق دنیا نا متکلی انگا زبان براہوئی تون ام ارے۔ دا
فتیان غٹ آن اہم و حیران کروک آ مسئلہ براہوئی زبان نا معدومیت نا اے۔ براہوئی زبان نا متکلی نا
باروٹ روسی پٹ و پول کروک ایم۔ ایس۔ اینڈرونوف پاک کہ براہوئی اے دراوڑی خاہوت آن
جٹا مننگ نا تاریخ اے 3000 مسٹ مسیح پاننگا نے (اینڈرونوف، 181980)۔ براہوئی زبان نا

شمار پاکستان ناقدیم انگا زبان تیبیٹ مریک۔ دا زبان نا بناء و قدامت نا باروٹ ماہرین لسانیات و براہوئی زبان نا تینا بھاز انگا پٹ و پول کروک آک ام اندھن پارہ (بیدار، 2014، 10)۔ اسہ جاگہ نس قدیم انگا زبان تا باروٹ پانگا نے کہ ”پوسکن آ زبانک قدیم انگا زبان تا سیدو اے ہلیسا چرینگے ہیل کیرہ“ (فاروقی، 2016، 182)۔ مگہ ننا زبان و ادب نا بھاز انگا علم بردار آک براہوئی زبان نامعدومیت نا گڑتی ء مُستی پین رنگ تریا تالان کرینو یا تو دا فک براہوئی زبان نامتکنی و ارزشت آن واقف افس یا دا فک اسہ خاص ء سوچ سینارداٹ براہوئی زبان نامعدومیت نا ہیئت ء حقیقت ء پدشا غسنا تالان کرینو۔ دا سوچ ء مونی اتنگ نئی یونیسکونا 2008 ء ناہمور پورٹ ء ہراٹے کہ دنیا نا 2500 زبان تے گڑتی ٹی پانگا نے و پاکستان ٹی ساڑی 27 زبان تے ہراقتیبی براہوئی زبان نا پن ام اواراء۔ اگہ براہوئی زبان ء 1972 ء و 1982 ء نامردم شماری نارداٹ گڑتی ٹی پانگا کہ تو اسہ ہیئت نس اس۔ انتہہ کہ دا سال تا مردم شماریک لسانی بنیاد آہلویر۔ ہرا نا سوب آن براہوئی زبان پاروک آتا گونشت نا باروٹ سہمتو۔

اندھن اگہ ایلو مردم شماری تا جاچ ہلنگے ہراقتیبی براہوئی زبان ء ایلو زبان تیان جتا شمارکنڈگا تو براہوئی زبان پاروک آتا تعداد ہر مردم شماری ٹی و دیسا خننگ۔

1901 ء ٹی غٹ آہندوستان ٹی براہوئی زبان پاروک آتا گونشت مسہ لکھ آن خوک اسکہ۔

1911 ء ٹی بلوچستان ٹی اوفا آبادی 167787 اس۔ 1931 ء نامردم شماری ٹی دا گونشت و دیسا 224425 مس۔ پاکستان نا اولیکو مردم شماری 1951 ء نارداٹ بلوچستان ٹی براہوئی زبان پاروک آتا گونشت 262463 اس و براہوئی زبان پاروک آتا گونشت نا نسبت ٹی بلوچستان ٹی ارٹمیکو نمبر آ نسر۔

1961 ء نامردم شماری ہمو وخت آمس، ہرا تم کہ ملک نئی مارشل لگاسس۔ جھالاوان نا براہوئی پاروکا قبیلہ خاک مش تیبیٹ نسرو داٹان بیدس دا مردم شماری ج ننا موسم ٹی مس۔ داٹوتیبی بھاز آ

براہوئی خاہوت آک بچ آن بچنگ کن باسن انگا علاقہ غاتیا کارہ۔ ولد امام د مردم شماری ٹی براہوئی پاروک آتا گونشت 365772 نشان مننگا نے (براہوئی، 1982، 37، 38)۔

دا اعداد و شمار بیرہ بلوچستان ٹی براہوئی زبان پاروک آتا۔ ولے دا زبان نا پاروک آک بلوچستان آن بیدس پیشن علاقہ غاتیی اسہ بھلوکچ سیٹی آباداریر۔

کامل القادری پاک کہ؛ براہونیک بلوچستان آن بیدس سندھ، جاندی اوغانستان، دے ٹکی ایران۔۔۔۔۔ ٹی ام بھلوکچ سیٹی آباد۔ ولے اوفا گونشت ناباروٹ پک سماف۔ اسہ اندازہ سینا رداٹ داوخت آبراہوئی پاروک آتا گونشت کم وود بیست لکھ مرو (براہوئی، 1982، 33)۔

ایم۔ ایس۔ ایندرونوف نارداٹ براہوئی اسہ دراوڑی زبان اسے۔ داپاکستان ٹی بنیادی وڑاٹ قلات و ہری پور علاقہ غاتیی و کوئٹہ ناداپارا پارنا علاقہ غاتیی و کراچی علاقہ غاتیی، اندھن پاکستان ناسیی علاقہ غاتیی ایران و افغانستان اسکان پانگلک۔

براہوئی پاروک آتا غٹ گونشت ناباروٹ معلومداری اف، اوک تینے بلوچ آتین جتا پاپسہ، ہرانا سوب آن مردم شماری ٹی اوفا گونشت آن معلومداری مننگ مفک۔ 1961ء نامردم شماری نارداٹ 366000 بندغاک تینا لہسی زبان براہوئی پارینو۔ (151000 پاروک آک قلات نا علاقہ غاتیی، 108000 کوئٹہ علاقہ غاتیی، 38000 حیدرآباد نا علاقہ غاتیی و 27000 کراچی علاقہ غاتیی)۔ پاکستان و افغانستان ٹی ساڑی 86000 بندغ آک ہراک کہ تینا ارٹمیکو زبان براہوئی پارینو۔ براہوئی پاروک آک ملک نا جنوب شمالی علاقہ غاتیی آباد۔ اوک تینا سہدازتون اوارشوراک و چیچانسورنا نیام ٹی آباداریر۔ ایران ٹی براہوئی پاروک آک ملک ندادے ٹکی علاقہ غاتیی ہرا کہ پاکستان و افغانستان ناسیم آباد (سبزوار آن بمپور اسکان)۔ براہوئی پاروک آتا دا ڈیہہ تیی آبادی ہرا کہ تقریباً اسہ اندازہ سے۔ دافرض کننگا نے کہ 25000 آن 100000 اسکان افغانستان و ایران ٹی آباد۔ یونین آف سویت سوشلسٹ ریپبلک ٹی براہوئی

پاروک آتا اسے چنکو گوشت کس ترکمانستان ٹی آبادارے۔ اگہ نن پاکستان ٹی منہ عشرہ ٹی براہوئی پاروک آتا تیزی ٹی ولسا آبادیء حساب کین تو (1911ء ٹی 146300، 1951ء ٹی 218600، 1961ء ٹی 365800)۔ داڑان سہتمک کہ داوخت اسکان براہوئی پاروک آتا غٹ گوشت ولسا 400000 آن 1500000 اسکان سرمسنے (Andronove، 1980، 15)۔ بڑزکونوشت آتیی براہوئی زبان نا پاروک آتا کچء مون آتخسا یونیسکونار پورٹء نن ساڑی آدورٹی اسے مفروضہ کس پانگ کین۔ انتے کہ یونیسکونادار پورٹ و بی بی سی نا زبان تاگرتی نا باروٹ مضمون ہرا ٹی زبان تاگرتی ٹی مننگ ناسوب آک اوزبان تیی ہیٹ کروک آتا کم انگا تعدادء پانگانے۔ ولے داوخت اسکان براہوئی زبان پاروک تاگوشت اووڑاف۔ داکان بیدس زبان تاگرتی ٹی مننگ نامنہ سوب آتے دہن ام پانگانے:-

(i) دنیا ٹی ہرا زبان تااے سرمنگ نا پانگانے اوتیی پاکستان نامیست و ہفت زبانک ام اوار اریر۔ ہراقتیی براہوئی، بلتی، مانیا، پورک، پھلور، کلاشہ، خوار بہادر واہی، چلیسو، دامیلی، ڈوماکی، گوار باٹی، گاور، جاد، کاٹی، خووار، کنڈل شاہی، اورمری، پھلور، سوی، سپٹی، طوروالی، اوشوجو، واکی، ید یغاروز نکساری اوارء (بی بی سی۔ 2009ء)۔

براہوئی زبان آن بیدس ایلو غٹ زبان تا معدومیت ناسوب دا زبان تیی ہیٹ کروک آتا کم انگا کچء پانگانے۔ ولے براہوئی زبان ٹی ہیٹ کروک آتا کچء توکھ آتییء۔

(ii) نوزدہ میکو صدی نا آخر و بیست میکو صدی نا بناء ٹی ہرا تم بیماری یا و بانا تالان مننگ آن یا قبائلی جنگ آتا سوب آن بھلو کچ سیٹی بندغ آتا اموات مس ہرا ناسوب آن زبان تا معدومیت نا گرتی و دی مس۔ (Vari، 213)

(iii) اسے گرتی ٹی مروک آ زبان ہمو زبانء ہرا نا پاروک آتا بھلو کچ سیٹی کہنگ ناسوب آن تعداد کم مریا کے یا اوک اسے پین زبان سیٹی تینا زبانء بدل کیر۔ زبان ہمو وخت آختم مریک ہرا تم اونا

پاروک آک باقی رہینگس دهن انگازبانء اسه مردہ عزبان کس پاننگ۔ اگہ اسه زبان سیناچو پاروک کس مف تو بالآخر دهن انگازبان معدوم مرک۔ (Graddol-1997)

(iv) بھاز وخت دهن مرک کہ حکومت بیرہ اسه زبان سینا شونداري کن تینا غٹ وسائل آتے استعمال کیک دایلو چنکا زبان تے راج نئی، سکول یا ایلو جاگہ غاتیا استعمال کپک تو ایلو زبان تیا توجہ کم مرک (Lalmalsawma, 2017)۔

دوام اسه حقیقت اسے کہ براہوئی زبان چندی ڈھیل آک اریر۔ ہرانا سوب آن دازبان تینا ایلو ترقی یافتہ انگا ہمسایہ زبان تنون ام گام مننگ کتہ نے۔

”پٹ پول کروک آتا مون آبراہوئی تینا اینونا حیثیت اٹ چاہندارے۔ داتخین کنگک کہ فوک لٹریچر آن بیدس پین چو ادب براہوئی ٹی ساڑی اف۔ ڈینس برے پاک کہ براہوئی بیرہ ادب آن خالی اف، دامصنوعی کاریم تیان بیدس تینا نوشتہء مون آدننگ کتہ نے۔ براہوئی پاروک آبدنغ آتا بھلا تعداد نا خواندہ، مچے بھاز ہرا کہ خواننگ و نوشتہ آن چاہندارے پیشن نا تعلیم آن تینے سرسہب کرینوولے تینا لمی آزا زبان کن چو حقیقیء گام اس ہر فنو“ (Andronove, 1980, 19)

”دامنگ کیک کہ براہوئی داوخت اسکان اسه ادبی زبان اس جوڑ مننگ کتہ نے ہر مسئلہ داسکان حل طلب۔ دا حقیقت آن بیدس دانا انتظامی آکاریم تیبی ساڑی مفنگ، براہوئی نوشتہ ٹی عربی و فارسی حروف آتازیات استعمال مننگ، ادبی فیصد تانہ مننگ نابریہر، گرائمر و تدریسی آکتاب آتا غیر موجودگی، دهن انگا سکول آتا غیر موجودگی ہراڑے براہوئی زبان ٹی خوانفنگا کہ، دازبان ٹی مستقل وڑاٹ کتاب و جرائد آتا چھاپ مفنگ و دافتیان بیدس چندی پین سوب آک ہرا فک براہوئی زبان نا وجود ایلو نوشتہ مروک و ترقی یافتہ انگا زبان تا فہرست نئی اچہ سا“ (Andronove, 1980, 20)۔

سائنسی نصاب و اصطلاح غادا زبان ٹی داوخت اسکان چو کاریم کس متنے۔ بین الاقوامی

ادب نا ترجمہ ہر اکہ اسہ زبان سینا شوننداری نا کسرئس مننگ کیک ولے براہوئی زبان ٹی دہن ء ہچو کاریمئس ساڑی اف۔ اندہن انگامواد آتے ترجمہ کننگانے ہرافتے آن براہوئی زبان ء ہچو فائدہ ئس رسینگٹنے۔ دازبان ٹی معیاری تنقید واصطلاح سازی نا ضرورت ارے۔

نن داپاننگ کینہ کہ بیست ویکی صدی ٹی براہوئی زبان ہچو صورت ٹی معدوم مننگ کپک ولے ایلوہیت دا ام ارے کہ چندی وہیل آتاسوب آن براہوئی زبان ایلو ترقی یافتہ انگا زبان تا فہرست کئی اوارام اف۔ دہن کہ سندھی زبان ء ہرانا شوننداری ناسوب ایلو زبان تیٹی ساڑی مواد آتے تینا لمئی آبولی ٹی ترجمہ کننگ ء۔ او اینو اوفقا غٹ نصاب سندھی زبان ٹی ساڑی ء و پاکستان نا ترقی کروک آ زبان تیٹی ادارے۔

ارٹمیکو دا کہ اگہ نن بیست ویکی صدی ناہیت ء کین ہر اکہ سائنس وانفارمیشن ٹیکنالوجی نا صدی ء ودا صدی ٹی ہر زبان ء داڑتون ام گام مروئی تمک۔ انفارمیشن ٹیکنالوجی نا ترقی عالمگیریت ء تیز کرینے ودا دنیا چھنک / مختصر مرسیاء۔ معلومات دوئی کننگ کن بھلو کچ سیٹی انٹرنیٹ نامک ء ہلنگنگ ء و دادے دوست تخنگک ودا سرپند مننگک کہ داذریعہ اسہ ڈیہہ سینا شوننداری ٹی فائدہ مند مروا مرکہ ترقی کروک آ ڈیہک اریر۔

امرکہ عالمگیریت کثیرالزبانی پاروک آتیکن گڑتی ودی کننگ ء۔ اندہن زیات آن زیات بندغاک بھلا زبان تا ذیہا انحصار کننگ ء ہر اکہ اینو انٹرنیٹ ٹی استعمال مننگ ٹی ء۔ ہرانا سوب آن چھنکا زبانی ختم مننگ نا آخری حد آسلوک ء۔ تخنین اٹ داڑان دا معلوم مریک کہ دنیا نا ہفت ہزار ((7000 زبان تا پنجاہ فیصد)) (50% ده یا بیست سال ٹی ختم مروے۔ (ITO, 21)

انفارمیشن ٹیکنالوجی نا داصدی ٹی ہر زبان ء تینے ٹی ہمو ضرورت آتے پورو کروئی تمک ہرافتا کہ ضرورت ء۔ دہن کہ چندی زبانی ہر شعبہ ٹی ترقی کریسا ہنانو مگہ براہوئی زبان داسکان تینا ہمو متکن انگاروایت ء برجاتخانے۔

بلوچستان ٹی دا قدیم انگ زبان (براہوئی) ناشونداری کنگڑاس وسیلہ خاک ساڑی اریر۔
 ہر ایتھی یونیورسٹی آف بلوچستان، براہوئی اکیڈمی پاکستان، براہوئی ادبی سوسائٹی، اندھن اخبار و
 رسائل، ریڈیو وی نامنہ گھٹھ، ہر یقین اٹ اسہ زبان سینا زندہ تھنگ وشونداری کن بگا زم ع۔ دا
 رداٹ ذمہ دار و پامدار آتے بھاز زیات و بھلو کچ سیٹی کاریم و دا گھڑتی ء گھڑتی آمبار انگ و داتا اے
 سری کن عملی وڑاٹ مونابنگ نا گرج۔ ہر افک کہ براہوئی زبان ناشونداری ورکھ کن کارآمد ثابت
 مریر۔

بڑز کو حقیقت آتے مد نظر تخساد اسفارشات آتے ترتیب مننگانے:-

- (i) براہوئی زبان ناغٹ لہجہ غاتا چا ہندار ہر اکہ ادب آن واقف مریر، کمک ہلیسا پرائمری آن
 بلیس پی۔ ایچ۔ ڈی اسکان نصاب ء جوڑ کنگے۔ تاکہ منہ مخصوص انگ بندغ آک ہر افک کہ اسہ
 متعصب ء سوچ اس تخیرہ، اوفتیاں براہوئی زبان نابروک آنسل ناجان چٹے۔
- (ii) ماہرین تعلیم سائنسی اصطلاح جوڑ کیر وایلو زبان تھی ساڑی نصاب و ادب نا کتاب آتے
 براہوئی زبان ٹی ترجمہ کنگ تاکہ دا زبان ٹی ہیٹ کروک آتے تینا لمی آ زبان ٹی تعلیم دوئی کنگ ٹی
 آسراتی مرے۔
- (iii) نظریاتی و سیاسی اختلاف آتے زبان و ادب ناشونداری ٹی اوار کنگپ۔
- (iv) براہوئی زبان و ادب نا اخہ در کہ ادارہ خاک اریر بیرہ براہوئی زبان نارکھ وشونداری کن تینا
 وسائل آتے کاریم ٹی اتیر۔
- (v) براہوئی زبان و ادب نا ادارہ خاک ہر ایتھی بلوچستان یونیورسٹی نا کڑوغٹ آن زیات ء،
 داڑے ذمہ دار انگ عہدہ غاتیا ہمو بندغ آتے تولفنگے ہر افک کہ لسانی و قبائلی تعصب آن مرمیر و تینا
 ذاتی عناد آتیکن ہمو عہدہ استعمال کپس۔
- (vi) تخلیقی وڑاٹ نوشت کار تے تینا کڑو ادا کنگ نا گرج۔

(vii) اینونا جدید دنیا خواست آتارداٹ پٹ وپول ناپارہ غابنگ وزبان علمی وسائنسی مواد مننگ ناضورت۔

(viii) زبان ناگامر وکالوظ آتے نہ بیرہ مچ کنگ بلکن اوفتا استعمال وتالانی نادمہ واری اداکنگ نا ہم ضرورت ارے۔

کھٹیا:۔

اقوام متحدہ نارپورٹ کہ اوٹی چندی زبان تنون اوار براہوئی زبان ناہم ایسری ناگرتی نا درشانی کننگانے۔ یقین اٹ اسہ گرتی ناہیت اسے۔ اگہ زن حقیقت امنہ کین تودارپورٹ آن بیدس ہم نننے داگرتی نادرشانی کروئی کہ نازبان ہراوڑناویل آتاگواچی اگہ زن اوفتا ایسری کاٹم کاٹم اٹ تنون۔ او عملی وڑٹ داڑکن گام گچ کتون توننا زبان اینونہ توبروکا وخت ننا چیلنجز آتامون اٹ ختم مننگ آن کس تونگ کپک۔ انتے کہ دنیا ناتارخ اٹ چندی زبانک عہراتا نننے بیرہ ذکر رسینگ۔ یاگڑاوعجائب گھرنا زبان جوڑمسونے۔ دارداٹ غٹ آن مست تو زبان نامعدوم مننگ نا گھرتی گھرتی اس خیال کنگ ناگرچہ۔ کہ داڑان ہمسوب آتسکان رسینگ اٹ آسانی مریک، کہ اوانت وجہ غاک مننگ کیرہ ہراتیان زبان ختم مننگ ناپارہ غانگٹی واورا خطرہ غاکو ہراننا زبان پلویر کرینو۔ انتے کہ تانکہ حقیقت پسندی آن کاریم النگیر و ہمو وخت اسکان ہمو اسباب آتسکان رسینگ مشکل اوتا تانکہ سوب آتسکان رسینگ مفک ہمو وخت اسکان اونا ازالہ یا ایسری کن چوگام گچ نس ارفنگ ہم مفک۔

کتاب آک

- براہوئی، عبدالرحمن، (1982)، براہوئی زبان و ادب کی مختصر تاریخ، مرکزی اردو بورڈ لاہور۔
- برے، ڈینس، (1907, 1908, 1909)، براہوئی زبان، کلکتہ۔
- بیدار، عبدالقیوم، (2014)، براہوئی نسائی ادب کا تحقیقی و تنقیدی مطالعہ، براہوئی اکیڈمی کوئٹہ۔
- فاروقی، ابوبکر، (2016)، تراجم کے مباحث، سٹی بک پوائنٹ کراچی۔
- مجتہبیٰ، حسن، (21 فروری 2009)، بی بی سی اردو۔

Andronove, M.S (1980), The Brahui Language, NAUKA PUBLISHING

HOUSE, Central Department of Oriental Literature, Moscow.

Crystal, David (2002), Language Death, Cambridge University Press.

Lalmalswma, By David (2017-01-07), India Speaks 780 Languages, 220 Lost in last 50 years-Survey, Reuters Blog.

UNESCO (27-28 August 2008), INTERNATIONAL CONFERENCE,

Globalization & Languages; Building on Our Rich Heritage, TOKYO JAPAN.